

**Najib ajak rakyat kemuka cadangan untuk Bajet 2016**  
**The Malaysian Insider**  
**Sept 7, 2015**

Datuk Seri Najib Razak mengajak rakyat untuk bersama-sama memberikan cadangan sebelum 15 September ini untuk dimasukkan dalam Bajet 2016 yang akan dibentang di Parlimen, 23 Oktober ini.

Perdana Menteri, yang juga menteri kewangan, berkata cadangan tersebut boleh dikemukakan kepadanya menerusi laman webnya.

"Kerajaan sedang menyediakan #Bajet2016. Ada cadangan yang ingin diberikan kepada saya? Kemukakan sebelum 15 September di <https://najibrazak.com/bajet2016/>," katanya menerusi catatan terbaru di akaun Twitternya, malam ini.

Laman web [najibrazak.com/bajet2016/](https://najibrazak.com/bajet2016/) itu turut memaparkan beberapa kategori yang sering menjadi fokus dalam Bajet-bajet sebelum ini.

Antaranya kos sara hidup, pembangunan luar bandar, perumahan, kesihatan, pengangkutan dan infrastruktur, pembangunan ekonomi, pendidikan dan keselamatan.

Selain itu, orang ramai diberi peluang mengemukakan cadangan-cadangan lain. – Bernama, 6 September, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/najib-ajak-rakyat-kemuka-cadangan-untuk-bajet-2016>